

IPARRAGIRRE-KO ON, JOSÉ MARI ILLEZKORRARI.



¿Zér da bañan gertatzen
Gaur Egiputzuan,
Migel Legazpi-koa
Jayo zan auzuan?
Urrechu deritzayon
Uri chit zintzuan,
Izar bat agertu da
Seaska gozuan.

Da Iparragirre-ko
Gure José Mari
Dis-dis egiten duben
Gizon aundi ori;
Egiten ote digun
Euskaldunai argi,
Begiratu besterik
Ez dago berari.

Ama euskerarekiñ
Itzak neurritubaz,
Zortziko chit ederrak
Dabill zabalubaz:
Gernikako Arbola
Ernai kantatubaz....,
¡Iparragirre preso
Sartzera dijoaz!

¿Zér da sartuagatik
Gizon bat ichiyan,
Ispilluba utziyaz
Guri agiriyen?
¿Zér da arkitutzia
Naiz munduberriyan,
Bizi nai dubenentzat
Euskera garbiyan?

Argatik etorri zan
Amerikatikan
Antziñako bandera
Erakutsirikan:
Koroi izugarriya
Irabazirikan
Begira zér diyon gaur
Arri gañetikan.

Lenago eroriko
Dirade izarrak,
Ez erdaldun biurtu
Euskal-erri zarrak;
Lenago urak edo
Subaren indarrak
Galdu bearko ditu
Kantauri-tarrak.

Ibillitzen gaituzte
 Onera ta ara,
 Pranziya-ko andare
 Askoren gisara:
 Batzubetan gora ta
 Bestietan beerá,
 Bañan gu ¿nola galdu
 Euskalak bagera?

Alfer alferrik dabil
 Erdaldunkeriya
 Bere modura jartzen
 Aitor-en kabiya:
 Oraindik ikusiko
 Da Euskal-erriya,
 Arkume bat dalarik
 Lotsatzen Legoya.

Ez du nai, ez, euskerak
 Erdal biurtzia,
 Baizik seme guziyak
 Elkarganatzia:
 Nai du bere kondaira
 Benaz maitatzia
 Eta etsayai ortzak
 Erakutsitzia.

José Mari aundiyak
 Egindako lanak
 ¡Arren! kanta ditzagun
 Euskalduri geranak!
 Egiten baditugu
 Beraren esanak,
 Euskeraz illko dira
 Euskal erri danak;

RAMOS AZKARATE-KUAK.

